



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

31. Dies Julii. Ad majorem Dei gloriam. S. Ignatius.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

31. DIES JULII.

Ad majorem DEI gloriam.

S. Ignatius.

S. Ignatii I.
encomiū.

Non est major Sancti Ignatii gloria, quam semper, & ubique quaesivisse majorem Dei gloriam. In profana militia erat ei, ut profano militi pro Tessera, major gloria sui; in sacra, major gloria Dei. Hujus non tantum conservandæ ambitiosus; sed & propagandæ fuit impensè studiosus. Sed quoniam summam, & numerum rerum per Ignatium, ejusque socios ubique gestarum: non est proclive aut diligentiam consequi, aut complecti memoriâ: Unum propono Ignatii e-logium, quod inter omnia censeo esse unum præ omnibus, quo illum supremus Ecclesiæ mystagogus, Urbanus VIII. anno hujus sæculi trigesimo sexto mirificè condecoravit: qui maximorum, ac immortalium meritorum, quibus universam Christi Ecclesiam illustravit, magnitudinem volens exquisiti honoris amplitudine adæquare, in Sacro-Sanctos Ecclesiæ fastos, quos vulgò Martyrologium vocant, placuit Ignatii nomen his ipsissimis verbis referre: *Roma, natalis Sancti Ignatii Confessoris, Fundatoris Societatis Jesu, sanctitate, ac miraculis clari, & Christianæ Religionis ubique dilatanda studiosissimi.* Pondera illud: *Ubique, & per Africam, & per Americam, & per Asiam, & per Europam.* Nusquam Solemittit radios, quò non Ignatius ad propagandam gloriam Dei, misit socios.

II. Dei

II. Dei gloriam quaesivit primum, per militiae sanctioris asperissima rudimenta, per insidias daemonum, per oppugnationes hominum, per compedes, & vincula in carceribus, per opprobria, & fallas criminationes, per conjurata in unum omnia. Sed potissimum per legionem in Ecclesia Dei fortissimam, & quasi praetorianam, quam Jesu nomine, non suo conscripsit. Sed omissis, quae gessit, plurimis, & maximis, ad ultimum, eumque felicissimum scenae ipsius actum, mentem converte. Tria sibi Ignatius petierat à Deo concedi, antequam è vita discederet. Primum, videre perfecta exercitia spiritualia, auctoritate Apostolicâ comprobata. Alterum, confirmatam eadem Societatem: Postremum, Constitutiones conditas. Horum compos votorum factus, unum illi erat desiderium, Deo reddere ultimum spiritum. Quid dubitas Ignati? Jam securè sine metu morere? cujus omnis vita, fuit aliis vivendi norma. Morere Ignati? Vides jam per te eversa passim daemonum castella: proscripta ubique gentium, inter Gentiles vitia: revocatas tuo studio virtutes ab exilio: Musas à funere excitatas: scientias ab interitu vindicatas. Morere Ignati? Audivisti per socios tuos, infantes è plano Christianis praeceptis imbutos, pueros, pietate in templis informatos, juvenes moribus, in Gymnasiis probè excultos: viros è superiori loco officii admonitos, poenitentes, in aede sacra, Deo reconciliatos, tot Parthenicas congregationes Virgini consecratas: usum Sacramentorum, propè abolitum, pristino vigori restitutum.

III. Itaque Ignatius imbutus immensâ quâdam exuberantis laetitiae copiâ: incensus incredibili Christi vi-

Julius.

Tesserà.

593

dendi cupiditate. Sæculo à partu Virgineo, decimo-
quinto, illius sæculi anno quinquagesimo sexto, æta-
tis, sexagesimo-quinto, à confirmata Societate, de-
cimo-quinto. Postquam pro sociiscentum erexisset
Collegia: duodecim Provincias, cum solus sine
lucta, pacato animo, egisset animam: eandem illi,
à quo acceperat, redditurus, illo, auspiciatissimo no-
mine, cui infinitis nominibus erat obstrictus: Illo
nomine, quod illi sæpè fuerat in ore, semper in cor-
de, voluit facere finem: ut loquendi, sic & vivendi,
Jesu. Pares tibi nomen, quod nulla delebit ætas,
omnis stupebit posteritas, tota intuebitur æternitas,
si & Nomen Jesu, cultu prosequaris, & virtutes Je-
su, moribus exprimas. A Christo, in hac vita mor-
tali, diceris Christianus; fac tanti nominis ampli-
tudinem virtute adæques: à Jesu, in vita immortalis
diceris Jesuita. Quid stupes verbi insolentiam? sisto
pro me fidei, jussorem illum, cui fidem derogare,
foret piaculum, utpote, qui à toto mundo habetur
mundi oraculum, Divum Augustinum, cujus (au-
ctore Ludolpho Saxone) hæc sunt verba: *Diffe-
runt Nomen Jesus, & Christus: Jesus, est nomen pro-
prium, Christus commune: nomen Christi, est nomen
Gratie: Jesus, Gloria: ut eniu per gratiam Baptisma-
lem, à Christo dicuntur Christiani, sic in caelesti gloria, à
Jesu dicemur Jesuita.* Nec est aliud nomen sub cælo
datum hominibus, in quo oportet nos salvos fieri,
quàm nomen (ut eodem verbo desinam de Ignatio
dicere, quo ipse desit vivere) Jesus:

Cuncta tui Ignati currunt per climata Nati:

Cuncti ut ament Jesum, pro cunctis vulnere læsum.

Pars II.

P p

I. DIES